


特別
~ 21
3536
18





第九十回

諸葛亮六擒孟獲

却說孔明放了孟獲等將楊鋒父子六人皆封官爵重賞
洞兵楊鋒等拜謝而去于是孟獲等回到本洞洞外有三
江乃是瀘水其南水西城水三路水會合故爲三江其洞
北近平坦二百餘里多產萬物洞西二百里有鹽井西南
二百里直抵瀘其正南三百里乃是梁都洞洞中有山環
抱其洞山上出銀礦故名爲銀坑山山中置宮殿樓臺以
爲蠻王之巢穴其中建一祖廟名曰家鬼四時殺牛宰馬
享祭名爲卜鬼每年常以蜀人并外鄉之人祭之即與採



45-7807

生之類相同若人患病不肯服藥只禱師巫名爲藥鬼其處無刑法但犯罪則斬有女長成却于溪中沐浴男女白相混淆任其自配父母不禁名爲學藝年歲雨水均調則種稻穀倘若不熟殺蛇爲羹煮象爲飯每方隅之中上戶號曰洞主其次曰酋長每月初一十五兩日皆在三江城
中買賣轉易貨物其地如此于是孟獲在洞中聚集宗黨千餘人飲宴于宮中皆不用坐榻俱席地而已前面擺列金銀器皿孟獲曰吾受辱于蜀兵已立誓欲報之汝等有
何高見言未畢一人應曰某累聞大王受諸葛亮之辱心常恨怒欲得報讐若以兵法必然難退須得此人方可敵也衆視之乃孟獲妻弟見爲八番部長名曰帶來洞主獲大喜問曰其人如何取勝帶來洞主曰此去西南入納洞洞主乃木鹿大王深通法術出則騎象如逢大陣能呼風喚雨便有虎豹豺狼毒蛇惡蝎跟隨此人衝突手下更有三萬神兵甚是英勇所到之處束手而降大王可修書具禮某親往求之此人若允何懼蜀兵也獲忻然令國舅賈書禮而去却令朶思大王守把三江城以爲前面屏障却說孔明提兵直至三江城遙望見此城三面傍江一面通旱即遣魏延趙雲同領一軍于旱路打城軍到城下時城上弓弩齊發原來洞中之人多習弓弩一弩齊發十矢箭

頭上皆用毒藥。但有中箭者，皮肉皆爛，見五臟而死。趙雲、魏延不能取勝，回見孔明言藥箭之事，因此不敢攻城。孔明自乘小車到軍前，看了虛實，回到寨中，令軍退數里下寨。蠻兵望見蜀兵遠退，皆大笑作賀。只疑蜀兵懼怯而退，因此夜間安心穩睡，不去哨探。却說孔明即閉寨，不出。連五日並無號令。黃昏左側忽然微風遍起。孔明傳令曰：「每軍要衣襟一幅，限一更時分應點無者，斬之。」諸將皆不知其意，衆軍依令預備。初更時分，又傳令曰：「每軍衣襟一幅，包上一包，無者斬之。」衆軍亦不知其意，只得依令包土預備。孔明又傳令曰：「諸軍包土俱在三江城下交割。」先到

者重賞。于是衆軍皆包淨土，飛奔城下。孔明令積土爲階，道先卜城爲頭功。因此蜀兵十餘萬并降兵萬餘將所包之土一齊棄于城下，作二十餘次接連城上一聲暗號。蜀兵皆到城上，蠻兵急放弩時，大半早被執下。餘者棄城而走。朶思大王死于亂軍之中。蜀將督軍分路勦殺。孔明取了三江城，所得珍寶皆賞三軍。于是敗殘蠻兵逃回來見孟獲，言說朶思大王身死，失了三江城，獲大驚。正慮之間，人報蜀兵已渡江，見在本洞中下寨。孟獲甚是慌張，忽然屏風後一人出而大笑曰：「旣爲男子，何無智也！我雖是一婦人，願與你出戰，可乎？」獲視之，乃妻祝融夫人也。夫人世

居南蠻能使飛刀百發百中乃祝融氏之後孟獲如死方
甦即起身稱謝夫人忻然上馬引宗黨猛將數百員生力
洞兵五萬出銀坑宮關來與蜀兵對敵方纔轉過洞口一
彪軍攔住爲首蜀將乃是張嶷蠻兵見之却早兩路擺開
祝融夫人披髮跣足身着絳衣背插五口飛刀手執丈八
長標坐下捲毛赤兔馬張嶷見之暗暗稱奇二人驟馬交
鋒戰不數合夫人撥馬便走張嶷趕去空中一把飛刀落
下嶷急用手隔正中左臂翻身落馬蠻兵一聲喊處將張
嶷關索執縛去了馬忠聽得張嶷等被急出救時早被蠻
兵困住望見祝融夫人挺標勒馬而立忠忿怒向前去戰
坐下馬絆倒亦被擒了都解入洞中來見孟獲獲大喜設
席慶賀夫人叱刀斧手推出斬之獲止曰諸葛亮放吾五
次今番若殺彼將是不義也天下之人豈不笑乎且囚在
洞中羞辱其人待擒住諸葛亮殺之未遲夫人從其言笑
飲作樂却說敗殘兵來見孔明告知其事孔明即喚馬岱
受計又喚趙雲魏延受計各人領命引軍而去次日蠻兵
報入洞中說趙雲搦戰祝融夫人即上馬出迎二人戰不
數合雲撥馬便走夫人恐有埋伏勒兵而回魏延引軍搦
戰夫人縱馬相迎正交鋒緊急延詐敗逃走夫人不趕而
去次日趙雲又引軍來搦戰夫人領洞兵出迎二人戰不

數合雲詐敗而走夫人拔標不趕欲收兵回洞時魏延引軍齊聲辱罵夫人急挺標來取魏延延撥馬便走夫人忿怒趕來延驟馬奔入山僻小路忽然背後一聲響亮延回頭視之夫人仰鞍落馬乃是馬岱埋伏在此用絆馬索絆倒就裏擒縛解投大寨而來蠻將洞兵皆來救時趙雲一陣殺散孔明端坐于帳上馬岱解祝融夫人到孔明急令武士去其縛請在別帳賜酒壓驚遣使入洞欲送夫人換二將使命入洞與孟獲答話已畢獲大喜即放出張疑馬忠還了孔明孔明遂送夫人入洞孟獲接入甚是驚慌正憂慮之間忽報入納洞主到來孟獲出洞迎接見其人騎

着白象身穿金珠纓絡腰懸兩口大刀軍有一班喂養虎豹豺狼之士擁簇而入獲再拜哀告訴說此事木鹿大王許以報讐獲大喜設宴相待次日木鹿大王引木洞兵帶猛獸而出趙雲魏延聽知蠻兵出遂將軍馬布成陣勢二將並轡立于陣前視之只見蠻兵旗幟器械皆別人多不穿衣甲盡裸身赤體面目醜陋身帶四把尖刀軍中不鳴鼓角但飾金爲號木鹿大王腰掛兩把寶刀手執帶鍾身騎白象從大旗中而出趙雲見之乃與魏延曰我等上陣一生未嘗見如此人物安得不驚也二人正沉吟之際只見木鹿大王口中不知念甚咒語手搖帶鍾忽然狂風

大作飛砂走石如同驟雨嗚嗚聞盡角之聲只見虎豹豺
狼毒蛇猛獸乘風而出張牙舞爪衝將過來蜀兵如何抵
當退後便走蠻兵隨後追殺直趕到三江界路方回趙雲
魏延收聚敗兵來孔明帳前請罪細說此事孔明笑曰非
汝二人敗陣吾自出茅廬之時先知南蠻有驅虎豹之法
吾在蜀中已辦下破此陣之物也隨軍有二十輛車俱封
記在此今日且用一半留下一半後有別用遂令左右取
了十輛紅油櫃車到帳下留十輛黑油櫃車在後衆皆不
知其意是日孔明將櫃打開皆是木刻絲畫巨獸俱用五
色絨線爲毛衣鋼鐵爲爪牙一箇可容十人孔明選了精

壯軍士一千餘人領了一百口內裝烟火之物藏在車中
次日孔明驅兵大進布于洞口蠻兵探知入洞報與蠻王
木鹿大王自謂無敵即與孟獲引洞兵而出孔明綸巾羽
扇身衣道袍端坐于車上孟獲指之日車上坐的便是諸
葛亮若擒住此人大事定矣木鹿大王口中念咒手搖蒂
鐘腰間寶刀掣出要斬孔明頃刻之間狂風大作猛獸突
出孔明將羽扇一搖其風便回本陣中去了蜀陣中假獸
擁出蠻洞真獸見蜀陣巨獸口吐火焰鼻出黑烟身搖銅
鈴張牙舞爪而來不敢前進皆奔回蠻洞去了反將蠻兵
衝倒無數孔明驅兵大進鼓角齊鳴望前追殺木鹿大王

死于亂軍之中洞內孟獲宗黨皆棄宮闕扒山越嶺而走
 孔明大軍占了銀坑洞洞中有許多去處次日孔明正變
 分兵緝擒孟獲忽然一人上殿報說蠻王孟獲妻弟帶來
 洞主因勸孟獲歸降獲不從今將孟獲并祝融夫人及宗
 黨數百餘人盡皆擒來獻與丞相希圖王爵孔明聽知即
 喚張嶷馬忠向耳畔如此如此分付二將受了計引二千
 精壯兵伏于兩廊孔明却令守門將俱放進來不許阻當
 帶來洞主引刀斧手解孟獲等數百人拜于殿下孔明大
 喝一聲孔明曰與吾擒下兩廊壯兵齊出二人捉一人盡執縛
 已定孔明大笑曰量汝些小說計如何瞞得過我也汝見

二次俱是本洞人擒汝來降吾不加害汝只道吾深信故
 來詐降欲就洞中殺吾吾今識破又被擒矣令人去搜身
 上果然各帶利刀孔明問孟獲曰汝原說在汝家擒住方
 始心服今日如何獲曰此是我等自來送死非汝之能也
 吾心未服孔明曰吾擒汝六番尚然不服欲待何時耶獲
 曰汝第七次擒住吾方傾心歸服誓不反矣孔明曰巢穴
 已破吾何慮哉叱武士盡去其縛乃指孟獲曰這番擒住
 再若支吾必不輕恕孟獲等抱頭鼠竄而去却說敗殘蠻
 兵有千餘人大半中傷蕩蕩而逃正遇蠻王孟獲獲收了
 敗兵心中稍喜却與帶來洞主商議曰吾今洞府已被蜀

兵所占今投何地安身帶來洞主曰止有一國可以破蜀
獲忻然大喜曰何處可去望乞教之帶來洞主所舉之國
未知如何且聽下回分解

諸葛亮七擒孟獲

却說帶來洞主與孟獲曰此去東南七百里有一國名烏
戈國國王兀突骨身長二丈不食五穀以生蛇惡獸爲飯
身有鱗甲刀箭不能侵手下有等軍譚之藤甲軍其軍至
矮者九尺面日醜惡見者皆驚洞中有一等藤生于山澗
之中盤于石壁之內國人採取浸于油中半年方取曬之
曬乾復浸凡十餘遍却纔穿成鎧甲前胸并後背各用一

片兩臂兩片又做成大裙五片共爲一副穿在身上渡江
不沉經水不濕甚是輕巧刀箭皆不能入因此號爲藤甲
軍若得此軍擒諸葛亮如利刀破竹也孟獲大喜遂投烏
戈國來見兀突骨其洞無宇舍皆居土穴之內孟獲入洞
再拜哀告前事兀突骨曰吾起本洞之兵與汝報讐獲欣
然拜謝于是兀突骨喚兩箇領兵俘長一名土安一名奚
泥起三萬兵皆穿藤甲離烏戈國望東北而來行至一江
名桃花水兩岸有桃樹歷年落葉于水中若別國人飲之
盡死惟烏戈國人飲之倍添精神兀突骨兵至桃葉渡口
下寨以待蜀兵却說孔明令蠻人哨探孟獲消息回報曰

孟獲請烏戈國主引三萬藤甲軍見屯于桃葉渡口孟獲
又在各番聚集蠻兵併力拒戰孔明聽說提兵大進直至
桃葉渡口隔岸望見蠻兵不類人形甚是醜惡又問土人
言說即日桃葉正落水不可飲孔明退五里下寨留魏延
守寨次日烏戈國主引一彪藤甲軍過河來金鼓大震魏
延引兵出迎蠻兵捲地而至蜀兵以弩箭射到藤甲之上
皆不能透俱落于地刀砍鎗刺亦不能入蠻兵皆使利刀
鋼叉蜀兵如何抵當盡皆敗走蠻兵不趕而回魏延復回
趕到桃葉渡口只見蠻兵帶甲渡水而去內有困乏者將
甲脫下放在水面却坐其上而渡之魏延急回大寨來稟

孔明細言其事孔明請呂凱并土人問之凱曰某素聞蠻
兵之後有一烏戈國無人倫者更有藤甲護身急切難
傷亦有桃葉惡水本國人飲之反添精神別鄉人飲之即
死倘蠻兵敗過河不用船筏連甲下水渡之如此之類縱
使全勝有何益焉不如班師早回孔明大笑曰吾非容易
到此豈可善棄而去之是無始終不智之人也吾明日自
有平蠻之策于是又令趙雲助魏延守寨且休輕出次日
孔明令土人引路自乘小車到桃葉渡口北岸山僻去處
遍觀地理山險嶺峻之處車不能行孔明棄車步行忽到
一山望見一谷形如長蛇皆危峭石壁並無樹木中間一

條大路孔明問土人曰此谷何名土人答曰此處名爲盤蛇谷出谷則三江城大路谷前名塔郎甸孔明大喜曰此乃天賜吾成功于此也遂回舊路上車歸寨喚馬岱分付曰與汝黑櫃車十輛須用竹竿千條櫃內之物如此如此可將本部兵去把住盤蛇谷兩頭依法而行與汝半月限一切完備至期如此施設倘有走漏定按軍法治之馬岱受計而去又喚趙雲分付曰汝去盤蛇谷後三江大路口如此守把所用之物克日完備趙雲受計而去又喚魏延分付曰汝可引本部兵去桃葉渡口下寨如蠻兵渡水來敵汝便棄了寨望日旗處而走以今日爲始限半月

要連輪十五陣棄七箇寨棚只望白旗處便是脫身之所若輪十四陣也休見我魏延領命心中不樂悵快而去孔明又喚張翼引一軍依所指之處築立寨棚去了却令張嶷馬忠引本洞所降千人如此行之孔明笑曰今番一戰須要全功各人忻然而去却說孟獲與烏戈國王兀突骨曰諸葛亮多有巧計凡到之處只是埋伏今後交戰分付三軍但見山谷之中林木多處切不可輕進兀突骨曰大王說的是也吾已知道中國人多行詭計今後依此言行之吾在前面廝殺汝在背後教道獲再拜謝之忽報蜀兵在桃葉渡口北岸立起營寨兀突骨即差二俘長引藤

甲軍渡了河來與蜀兵交戰不數合魏延敗走蠻兵恐有
伏兵不趕自回次日魏延又去立了營寨蠻兵哨得又引
衆軍渡過河來戰延出迎之不數合延敗走蠻兵追殺十
餘里見山下並無動靜便在蜀寨中屯住次日二俘長請
兀突骨到寨說知此事兀突骨即引兵大進將魏延追一
陣蜀兵皆棄鎗甲執戈而走只見前有白旗延引敗兵急
奔到白旗處早有一寨就寨中屯住兀突骨驅兵追至魏
延引兵棄寨而走蠻兵得了蜀寨望前追殺魏延回兵交
戰不三合又敗只看白旗處而走果有一寨延就寨屯住
次日蠻兵又至延畧戰又走蠻兵占了蜀寨此時魏延且

戰且走已敗十五陣連棄七箇營寨蠻兵大進追殺兀突
骨自在軍前破敵于路但見林木茂盛之處便不敢進却
使人遠望果見樹陰之中旂旗招颭兀突骨請孟獲觀之
乃大笑曰諸葛亮今番被吾識破大王連日勝了十五陣
奪了七箇營寨我兵累勝彼兵累敗今蜀兵望風而走已
離桃葉渡口二百餘里蜀兵已是膽破諸葛亮已是計窮
此這一進大事定矣兀突骨大喜只道蠻兵得勝不以蜀
兵爲念自在軍前催督令孟獲引各洞番兵常離五七十
里但逢着蜀兵即便追殺第十六日魏延引敗殘兵來與
烏戈國藤甲軍對敵兀突骨騎象當先頭戴日月狼鬚帽

身披金珠纓絡兩肋下露出生鱗甲眼中微有光芒手指魏延大罵延撥馬便走後面蠻兵大進魏延引兵轉過了盤蛇谷望白旗而走兀突骨統引兵衆隨後追殺兀突骨望見山上並無草木料無埋伏放心追殺趕到谷中遇見數十輛黑油櫃車蠻兵報曰此是蜀兵運糧道路因大王兵至搬下此車而走兀突骨大喜催兵追趕蠻兵爭兢取之將出谷口不見蜀兵只見山上橫才亂石滾下壘斷谷口兀突骨令兵開路而進忽見前而大小車輛裝載乾柴盡皆火起兀突骨大驚慌忙退兵聽得後軍大喊報說谷口已被乾柴壘斷車中原來皆是火藥一齊燒着兀突

骨見無草木心尚不慌令尋路而走只見山上兩邊亂丟火把火把到處地中藥線皆着就地飛出鐵砲滿谷中火光亂舞但逢藤甲無有不着無鐵砲之處糧草之車盡皆爆開內有硫黃焰硝引火之物那火光往來飛舞將兀突骨并三萬藤甲軍燒得互相擁抱死于盤蛇谷中孔明在山上往下看時只見蠻兵被火燒的伸拳舒腿大半被鐵砲打的頭臉粉碎皆死于谷中臭不可聞孔明垂淚而歎曰吾雖有功于社稷必損壽矣烏戈國之人不曾走了一個左右將士無不懷槍却說蠻王孟獲在寨中正望蠻兵回報忽然千餘人笑拜于寨前言說烏戈國兵與蜀兵大

戰將諸葛亮圍在盤蛇谷中了也來請大王接應我等皆是本洞之人不得已而降之今知大王前到特來助戰孟獲大喜即引宗黨并所聚番人連夜上馬就令蠻兵引路方到盤蛇谷時只見火光甚起臭氣難聞獲知中計急退兵時左邊張嶷右邊馬忠兩路軍殺出獲欲殺兵抵敵一聲喊起蠻兵中大半皆是蜀兵將蠻王宗黨并集聚的番人盡皆擒了孟獲兵馬殺出重圍望山徑而走正走之間遇一輛小車端坐一人綸巾羽扇身衣道袍乃是孔明孔明大喝一聲曰反奴孟獲今番如何獲急回馬走一員將引五百軍攔住乃是馬岱孟獲措手不及被馬岱生擒執

縛已定此時王平張翼引一軍趕到蠻寨中將祝融夫人并一應老小皆活捉而來却說孔明歸到寨中升帳而坐孔明與衆將曰吾今此計不得已而用之大損陰德也我料敵人必筭吾于林木多處埋伏吾却空設旌旗實無兵馬彼果疑也吾令魏文長連輸十五陣者堅其心也心堅必放心而追矣吾見盤蛇谷止一條路兩壁相皆是光石下面沙土故知天助也因此方令馬岱引軍盡伐樹木使彼不疑前車上黑櫃內皆是預先造下的名爲地雷一砲中藏九砲三十步埋之中用竹竿通卽以引藥線皆埋于地土之內纔一發動山崩石裂吾又令趙子龍預備草車

乃引火之物山上安設滾木亂石却令魏延賺兀突骨并
 藤甲軍入谷放出魏延即斷其路隨後焚之吾聞利于水
 必不利最為有見于火藤甲雖刀箭不能入乃油浸之物見火必燃
 蠻兵如此頑皮非火攻安能勝故一火而焚矣使烏戈國
 之人不留種類者是吾身之大罪也眾將拜伏曰丞相天
 機鬼神莫測也孔明令押過孟獲來孟獲跪于帳下孔明
 令去其縛教且在別帳與酒食壓驚孔明喚管酒食官至
 坐榻前如此如此分付而去孟獲與祝融夫人并孟優帶
 來洞主一切宗黨在別帳飲酒忽一人與孟獲曰丞相而
 羞不欲與公相見故令我等放公回去再招人馬來決勝

負公今日可速去之獲垂淚言曰七擒七縱自古未嘗有
 也中國人却到有不如此孟獲者即曰縱自擒亦無如何
 也吾雖化外之人頗知禮義直如此無羞耻也遂同兀突
 也妻子宗黨人等皆匍匐跪于帳下肉袒謝罪曰丞相天威
 也南人不復反矣孔明曰公今服乎獲泣而謝曰某子十
 孫孫皆感覆載生成之恩安得不服也孔明請孟獲上帳
 設宴慶賀就令永為洞主所占之地盡皆退還孟獲宗黨
 及諸蠻兵無不感戴皆忻然跳躍而慶之後人有詩以贊
 孔明曰

羽扇綸巾擁碧幢親提士馬出南方
 瘴煙罩地經瀘水
 火日飛天守戰場三顧深思酬漢主
 七擒妙策制蠻王

三國志
至今溪洞傳威德爲選高原立廟堂

宋賢丘王林有詩曰

當年諸葛自南征不減孫吳善用兵
七縱功百皆仰德三分誰敢與齊名
蠻雲堆裏旌旗展瘴雨聲中鼓角鳴
妙用鬼神應莫測遠夷今古拜先生

于是孔明將洞中一切事理皆委孟獲
昭善堂管獲拜謝而去長史費禕入諫曰
今丞相親提士卒深入不毛收復蠻夷
目今蠻夷旣已歸服何不張官置吏與孟獲一同守之
孔明曰如此三不易也留外人則當留兵
兵無所食不易也蠻夷折傷父母死亡
留外人而不留兵必成禍患

二不易也蠻夷累有廢殺之罪自有嫌疑
留外人終不相信三不易也今吾不留人不運糧自然安矣
衆人盡皆服之此時蠻夷皆感孔明恩德乃與孔明立生祠
四時享祭皆呼之爲慈父各送珍珠金寶丹漆藥材耕牛載馬拜送孔明以資軍用
後有進貢天子禮物誓不再反南方已定皆是孔明之功却說孔明犒軍已畢班師回蜀
孔明便令魏延引本部兵爲前鋒延引兵方至瀘水忽然陰雲四合水面上一陣狂風驟起飛沙走石軍不能進
延退兵回報孔明孔明遂請孟獲問之未知如何且聽下回分解

起自蜀昭烈章武元年辛丑歲至後主建興三年乙

已歲止道是五年事實

總評

孔明待孟獲却是化蠻妙訣今日南方蠻氣復張將何以擒之縱之不如將這些蠻子與兀突骨一處過活反省事也呵呵

李卓吾先生批評三國志

第九十一回

孔明秋夜祭瀘水

却說孔明班師回國時值九月秋天蠻王孟獲率引大小洞主猶長及諸部蠻夷皆羅拜相送前軍至瀘水瀘水江名在四川忽黑霧陰雲四下布合狂風沙石從水面而起兵不能進回報孔明孔明遂問孟獲曰此水原有猖神作禍往來者必須祭之孔明日用何物祭享獲曰舊時國中因猖神作禍用七七四十九顆人頭并黑牛白羊以祭之自然風恬浪靜方纔渡之更兼連年豐稔孔明日吾今事已平

定安忍又殺生靈耶佛吾不爲之遂自到瀘水岸邊果見陰

風大起波濤洶湧人馬皆驚亦不能渡孔明甚疑卽尋土人問之不時老少數十餘人皆來告說自丞相經過之後夜夜只聞得水邊鬼哭神號自黃昏直至天曉哭聲不絕瘴煙之內陰鬼無數因此作禍無人敢渡孔明曰此乃吾之積惡也佛舊時馬岱引蜀兵數百皆死於水中更兼殺死蠻兵數多盡棄於水中狂鬼怨鬼不能解釋以致如此吾

今晚自當祭之老人曰須依舊例可殺四十九顆人頭以祭之則怨鬼自散也孔明曰吾是國法亦是佛法班師回國安可妄殺一人

吾自有主見喚行厨宰殺牛馬和麩爲劑塑成人頭內以牛羊等肉代之名曰饅頭當夜於瀘水岸上設香案鋪祭物列燈四十九盞揚幡招魂將饅頭之物陳設於地三更時分風息浪平孔明金冠鶴氅親自臨祭令董厥讀祭文其文曰

維大漢建興三年秋九月一日武鄉侯領益州牧丞相諸葛亮謹陳祭儀享於故歿王事蜀中將校本土神祇及蠻夷亡者陰魂曰昨自遠方侵境異俗起兵縱蠶尾以興妖恣狼心而逞亂且我大蜀皇帝威勝五霸明繼三皇定乾坤於戰場之中立社稷向干戈之內一自蠻夷罔窮天道來叩皇風吾奏君王請三軍暫別龍庭諸

公祖餞棄六親遠辭家國於是問罪南蠻莫不逢山開

橋邊骨還是春閨夢裏人更可憐也

纜聞破竹之聲便是失猿之勢但士卒兒郎盡是九州
豪傑將校官僚皆為四海英雄習武從戎接明事主莫
不同伸三令共展七擒齊堅奉國之誠益是忠君之志
何期汝等偶失兵機緣落奸計或流矢所中竟掩泉臺
或鎗劍所傷鬼歸長夜志堅忠孝命終於刀斧之前正
直奉公骸棄於塵埃之內生則有勇死且成名今則凱
歌欲還獻俘將及汝等英靈尚在祈禱必聞隨我旌旗
逐我部曲同回上國各認本鄉受骨肉之蒸嘗領妻子

之祭祀莫作他鄉之鬼徒為異國之鬼當念姻親泣哭

於朝昏子女號咷於旦暮吾奏 皇帝使爾等各家盡

竟定歡喜也

霑恩露年年請給衣糧月月不絕俸祿用茲酬答以慰
汝心父子傳孫名題蜀史今則聊表丹誠陳其祭祀各
領酒食共享一餐依此靈幡隨我歸國嗚呼哀哉伏惟

尚饗

讀畢祭文孔明放聲大哭痛切不已情動三軍無不下淚

是真是假

蠻貊之人盡皆大慟只見愁雲怨霧之中隱隱有數千鬼
魂皆隨風而散於是孔明令左右將祭物盡棄於瀘水之
中次日孔明引大軍俱到瀘水南岸但見雲收霧散風靜

浪平因此蜀兵盡渡了瀘水果然鞭敲金鐙响人唱凱歌
聲行到永昌永昌郡名今屬四川之時孔明留王伉呂凱以守四郡
分付孟獲勤政馭下善撫居民勿失農務便回蠻邦孟獲
拜別而去靜軒先生有詩曰

相國興師入不毛滔滔流水起波濤漢兵自信三擒易
孟獲安知七縱勞鐵甲漸沾蠻雨濕征袍初染瘴煙高
一從伐叛揚威武應使南人識俊髦

孔明引大軍而回成都後主整排鑿駕出郭三十里迎接
後主早下輦立於道傍候孔明如事父孔明慌忙下車伏
道而言曰臣不能速平蠻方使主上懷憂臣之罪也後主

扶起孔明並車而回設太平筵會重賞三軍蠻邦進貢來
者二百餘處皆厚待之重賞護送各還本國孔明奏准後
主將歿於王事者之家一一重賞西蜀之地年豐歲稔人
心懽悅萬物咸寧却說魏主曹丕在位七年卽蜀之建興
四年也不先納夫人甄氏極有顏色乃中山無極人也山
無極地名今屬陝西上蔡令甄逸之女上蔡縣名今屬河南自三歲失父建安
中袁紹知其美娶與子袁熙爲婦熙出鎮幽州丕父曹操
打破鄴城不見甄氏之美遂納爲妻後生一子名獻字元
仲自幼聰明不甚愛之後丕又納安平廣宗人郭永之女
爲貴如此女極美其父曰吾女乃女中之王也故號爲女

王自丕納為貴妃後因甄夫人失寵郭貴妃欲謀正宮却

婦人相妬如此

與幸臣張韜商議時丕有疾虛作甄夫人位下掘得桐木

偶人上書天子年月日時如此壓鎮丕因此大怒將甄夫

人勒死於冷宮立郭貴妃為后因無出養曹叡為已子雖

甚愛之不立為嗣時叡年一十五歲弓馬熟閑當年春二

月丕帶叡出獵行於山塢之間趕出子母二鹿丕一箭射

倒母鹿丕回視小鹿臥於曹叡馬下丕大呼曰吾兒何不

○此○上○句○亦○自○寓○耳○○蠢○哉○曹○丕○何○足○以○知○此

射之叡在馬上泣告曰陛下已射其母臣安忍復殺其子

也不聞之擲弓於地曰吾兒真乃仁德之主也遂立叡為

齊公後改為平原王夏五月丕感傷寒百官醫治不可及

召中軍大將軍曹真鎮軍大將軍陳羣撫軍大將軍司馬

懿此三人乃掌國家重大之事皆入寢宮不喚曹叡至乃

與曹真等曰今朕病已沉重多是不痊此子年幼卿等三

人可以輔之勿負朕心三人皆告曰陛下何故出此言也

臣等願竭方以事陛下千秋萬歲丕曰今年許昌城之城

門無故自崩乃不祥之兆朕故知其死也忽征東大將軍

曹休入宮問安丕曰卿等四人皆國家柱石之臣也今已

在此朕有何慮耶言訖墮淚而崩時年四十歲沒於洛陽

宮嘉福殿在位七年後晉平陽侯陳壽評曰

魏文帝天資文藻下筆成章博聞強識才藝兼修若加

三國志卷之二十一
之擴大之度勵以公平之誠邁志存道克廣德心則古
之賢主何遠之有哉

又史官孫盛評曰

魏主處莫重之哀而設享宴之樂居貽厥之始而墮王
化之基及至受禪顯納二女忘其至恤以誣先聖之典
將何以終

於是曹真陳群司馬懿曹休等四人一面舉哀一面冊立
曹叡為大魏皇帝謚父丕為文皇帝謚母甄氏為文昭皇
后封鍾繇為太傅曹真為大將軍曹休為大司馬華歆為
太尉王朗為司徒陳羣為司空司馬懿為驃騎大將軍其

餘文武官僚各各封贈大赦天下時雍涼二州雍州涼州俱屬四川

無官守把於是司馬懿上表乞守西涼等處曹叡從之遂

封懿提督雍涼等處兵馬領詔去訖却說細作人飛報入

川來見孔明孔明大驚曰曹丕已死孺子曹叡即位餘皆

不足掛意但有河內溫人河內溫縣名今屬陝西司馬懿此人乃世

之英雄對手今若總督雍涼兵馬倘訓練成時必為蜀中之大

患不如先起兵伐之叅軍馬謖曰今丞相平蠻方回軍馬

疲敝只宜存恤豈可復遠征耶某有一計使司馬懿自死

於曹叡之手未知丞相鈞意允否孔明乃問其計未知如

何且聽下回分解

孔明初上出師表

於是馬謖獻計曰司馬懿雖是魏朝大臣曹叡平素疑之何不密遣人往洛陽鄴郡等處布散流言道此人欲反却作司馬懿告示天下榜文遍貼諸處使曹叡心疑必然殺此人也孔明大喜而從之即遣人密行此計去了却說鄴城門上鄴郡名今屬河南貼下告示守門者揭了來奏曹叡叡觀之大驚失色其文曰

驃騎大將軍總領雍涼等處兵馬事司馬懿謹以信義布告天下昔太祖武皇帝創立皇基本欲立陳思王子建爲社稷主不幸奸讒交集歲久潛龍今皇孫曹叡素無德行妄自居尊有負太祖之遺意今吾應天順人以慰萬民之望克日興師到關皆早歸命新君如不順者當滅九族先此告聞想宜知悉

曹叡大疑急問羣臣太尉華歆等奏曰司馬懿上表乞守雍涼正爲此也先時太祖武皇帝嘗與臣曰司馬懿鷹視狼顧不可付之兵權久必爲國家之大禍也今日反情已萌可速誅之言未盡王朗又奏曰司馬懿深明韜畧善曉兵機有一匡天下之志若不早除久必成王莽之禍也叡降旨便欲興兵御駕親征忽班部中大將軍曹真出奏曰不可文帝託孤於臣等四人是知司馬仲達無異志也今

此人大通

三國志 卷之二十一
無故加兵乃逼之反耳况蜀吳未除多是奸細行間諜之

計使君臣自亂彼却乘虛而擊也陛下未可深信獻曰司

馬懿若變悔之何及真又曰如陛下心自不穩可做漢高

祖遊雲夢之計雲夢山名在湖廣陛下幸安邑安邑地名屬雍州司馬懿

必然來迎觀其動靜就車前擒之可也獻從之遂命曹真

監國即領御林軍十萬逕到安邑此時司馬懿果然不知

欲令天子知其威嚴乃整兵馬率甲士數萬而迎近臣奏

曰司馬懿果率力生甲士十餘萬前來抗拒實有反心矣

獻荒命曹休先領精兵迎之司馬懿見兵來到只疑車駕

親幸伏道而迎曹休出曰仲達受先帝託孤之重何故反

耶懿大驚失色汗流遍體乃問其故休備細言之懿曰此

言吳蜀奸謀間諜之計也使君臣自相殘害彼却乘此虛

勢而襲矣其當自見天子懿急退了軍俯伏於車前泣奏

曰臣受先帝託孤之重安有異心必是吳蜀之詐也臣請

出師者實欲先破蜀後伐吳而報先帝與陛下耳獻持疑

未決華歆奏曰不可付之兵權可黜罷回鄉此漢文帝以

報周勃也獻依此言將司馬懿削去官職命曹休總督雍

涼軍馬司馬懿貶回鄉里魏主曹獻駕回洛陽却說細作

探知此事報入川中孔明聞之大喜曰吾欲伐魏久矣奈

有司馬懿總雍涼之兵今既中計而貶之吾有何憂也次

三國志 第九十一回 八

日後主早朝大會官僚孔明出班上出師表一道表曰

先帝創業未半而中道崩殂今天下三分益州疲敝此誠危急存亡之秋也然侍衛之臣不懈於內忠志之士志身於外者蓋追先帝之殊遇欲報之於陛下也誠宜開張聖聽以廣先帝遺德恢弘志士之氣不宜妄自菲薄引喻失義以塞忠諫之路也宮中府中俱為一體陟黜臧否不宜異同若有作奸犯科及為忠善者宜付有司論其刑賞以昭陛下平明之治不宜偏私使內外異法也侍中侍郎郭攸之費禕董允等此皆良實志慮忠純是以先帝簡拔以遺陛下愚以為宮中之事事無大

小悉以咨之然後施行必能裨補闕漏有所廣益將軍向寵性行淑均曉暢軍事誠用於昔日先帝稱之曰能是以眾議舉寵為督愚以為營中之事事無大小悉以咨之必能使行陣和睦優劣得所親賢臣遠小人此先漢所以興隆也親小人遠賢臣此後漢所以傾頽也先帝在時每與臣論此事未嘗不歎息痛恨於桓靈也侍中尚書長史叅軍此悉貞亮死節之臣也陛下親之信之則漢室之隆可記日而待也臣本布衣躬耕南陽苟全性命於亂世不求聞達於諸侯先帝不以臣鄙猥躬自在屈三顧臣於草廬之中諮臣以當世之事由是感

激許先帝以驅馳後值傾覆受任於敗軍之際奉命於危難之間邇來三十有一年矣先帝知臣謹慎故臨崩寄臣以大事也受命以來夙夜憂慮恐付托不效以傷先帝之明故五月渡瀘深入不毛今南方已定兵甲已足當獎率三軍北定中原庶竭駑鈍攘除奸凶以復興漢室還於舊都此臣所以報先帝而忠陛下之職分也至於斟酌損益進盡忠言則攸之禕允之任也願陛下託臣以討賊興復之效不效則治臣之罪以告先帝之靈責攸之禕允等之咎以彰其慢陛下亦宜自謀以諮諏善道察納雅言深追先帝遺詔臣不勝受恩感激今

當遠離臨表涕泣不知所云謹表

後主覽表而言曰相父征蠻遠涉艱難方始回都坐未安席今又欲北征恐勞神思也孔明曰臣受先帝託孤之重夙夜未嘗有怠今日平蠻回國一載有餘矣軍馬已銳器械已足糧草之類盡皆完備不就此時討逆恢復中原更待何日也忽班部中太史譙周出奏曰臣夜觀天象北方旺氣正盛皇驩倍明未可圖也乃顧孔明曰丞相深明天文何故強爲也孔明曰天道之理變易不常豈可拘執也吾今且駐軍馬於漢中觀其動靜而行之譙周等諫之不從於是孔明乃留郭攸之董允費禕等爲侍中總攝官中

三國志
之事又留向寵爲大將總督御林軍馬蔣琬爲叅軍張裔
爲長史掌丞相府事又留杜瓊爲諫議大夫杜微楊洪爲
尚書孟光來敏爲祭酒尹默李譔爲博士郤正費詩爲祕
書譙周爲太史內外文武官僚一百餘員同理蜀中之事
孔明受詔興兵克復中原重興漢室孔明暫歸府內喚諸
將聽令前督部鎮北將軍領丞相司馬涼州刺史都亭侯
魏延前軍都督領扶風太守張翼牙門將裨將軍王平後
軍領兵使安漢將軍領建寧太守李恢副將定遠將軍領
漢中太守呂義兼管運糧左軍領兵使平北將軍陳倉侯
馬岱副將飛衛將軍廖化右軍領兵使奮威將軍博陽亭

侯馬忠撫戎將軍關內侯張嶷行中軍師車騎大將軍都
鄉侯劉琰中將軍揚武將軍鄧芝中叅軍安遠將軍馬謖
前將軍都亭侯袁綝左將軍高陽侯吳懿右將軍玄都侯
高翔後將軍安樂侯吳班領長史綏軍將軍楊儀前將軍
征南將軍劉巴前護軍偏將軍漢成亭侯許允左護軍篤
信中郎將丁咸右護軍偏將軍劉敏後護軍典軍中郎將
官離行叅軍昭武中郎將胡濟行叅軍諫議將軍閔晏行
叅軍偏將軍麴習行叅軍裨將軍杜叢武畧中郎將杜祺
綏戎都尉盛敷從事武畧中郎將樊岐典軍書記樊建丞
相令史董厥帳前左護衛使龍驤將軍關興右護衛使虎

翼將軍張苞孔明受詔封爲平北大都督丞相武鄉侯領益州牧知內外事諸葛亮於是孔明分撥已定又檄李嚴等守川口以拒東吳選定建興五年春三月丙寅日出師忽帳下一老將厲聲而進曰我雖年邁尚有廉頗之勇馬援之雄此二古人皆不服老何故不用我耶衆視之乃常山趙子龍也孔明曰吾自平蠻回都馬孟起因病身故予甚惜之以爲折其右臂也今將軍年紀已高但恐稍有參差動搖一世之英名滅却西蜀之銳氣也子龍厲聲曰吾自隨先帝以來臨陣不退遇敵則先大丈夫得死於疆場者幸也吾何恨焉願爲前部先鋒孔明再三苦勸不住子

龍曰如不教我爲先鋒就撞死於階下孔明曰將軍旣要爲先鋒須得一人同去言未盡一人應曰某雖不才願與老將軍先引一軍前鋒破敵孔明視之乃義陽新野人也見爲中監軍揚武將軍姓鄧名芝字伯苗孔明大喜卽撥精兵五千副將十員隨趙子龍鄧芝爲先鋒去訖孔明出師後主百官送於北門外十里孔明辭了後主而去旌旗蔽野戈甲如霜沿道之民簞食壺漿以迎王師孔明率大軍望漢中迤邐進發却說邊庭探知此事報入洛陽是日魏主曹叡設朝近臣奏曰邊官報道言葛亮率領大兵三十餘萬出屯漢中令趙雲鄧芝爲前部先鋒引兵入境其

機至急獻大驚慌問羣臣曰誰可爲將以退蜀兵忽一人
應聲而出曰臣父死於漢中切齒之恨未嘗得報今蜀兵
犯境臣願引本部猛將乞陛下賜關西之兵上爲國家效
力下報父親之讐臣萬死而不恨也衆視之功安西鎮東
將軍尚書駙馬都尉假節夏侯淵之子夏侯楙也楙字子
休自幼過房與夏侯惇爲子後夏侯淵被黃忠斬之魏武
帝曹操憐之以女清河公主招楙爲駙馬因此朝中欽敬
雖掌兵權性急慳吝未嘗臨陣此時曹獻卽命夏侯楙爲
大都督調關西諸路軍馬前去迎敵忽一人諫曰不可衆
視之乃司徒王朗也朗奏曰夏侯駙馬素不曾經戰今付

以大任非其宜也更兼諸葛亮足智多謀深通韜畧不可
與敵也夏侯楙叱之曰司徒莫非結連諸葛欲爲內應耶
吾自幼從父學習韜畧深通兵法汝何欺吾年幼也吾若
不生擒諸葛亮誓不回見天子王朗等皆不敢言夏侯楙
辭了魏主星夜到長安調關西諸路軍馬二十餘萬來敵
孔明未知勝負如何且聽下回分解

總評

未出茅廬時與先主說定三分天下萬足而足今日
忽然北伐中原以平魏國此何意耶豈是閑不過乎
抑技痒也或胸中別有王裁借此作趨避耳讀史者

亦曾留心此等去處否如此等去處胡亂放過不如
不讀史也

第九十二回

趙子龍大破魏兵

建興五年夏四月孔明率兵前至沔陽經過馬超墳墓乃
令弟馬岱掛孝孔明親自祭之蜀人楊戲作贊曰

驍騎奮起連衡合從首事三秦保據河潼宗計於朝或
異或同敵以成壘家破軍亡乖道反德託鳳攀龍

又史官作馬孟起廟贊曰

西川馬孟起名譽振關中信布齊誇勇關張可並雄渭
橋施六戰安蜀奏全功曹操聞風懼流芳播遠戎

孔明祭畢回到寨中商議進兵忽遠哨馬報道魏主曹叡

遣駙馬夏侯楸調關中諸路軍馬前來拒敵。忽魏延上帳而獻策曰：夏侯楸乃膏粱子弟，懦弱無謀，可賜精兵五千，直取路出褒中，循秦嶺以東，當子午谷而投北，不過十日可到長安。褒中，今屬陝西秦嶺山名，在商州子午谷地。夏侯楸若聞其驟至，必然棄城望橫門邸閣而走矣。所棄糧草，是可爲用也。其却從東方而來，丞相可大驅士馬自斜谷而進。斜谷地名，在陝西。若如此行之，則咸陽以西一舉而可定矣。此萬全之計也。孔明笑曰：此非萬全之計也。汝欺中原無好人物，倘有人進言於山僻中，以兵截之，非令五千人受害，亦大傷其銳氣也。老成決不可用之。魏延又曰：丞相兵從

大路進發，彼必盡起關中之兵於路迎敵，則徒損生靈，何日而得中原也？孔明曰：吾從隴右取平坦大路，依法進兵，豈不勝耶？遂不用魏延之計。即差人令趙雲進兵，却說夏侯楸在長安聚集諸路軍馬。時有西涼大將韓德善能使開山大斧，有萬夫不當之勇，引西羌諸路兵八萬到來，見了夏侯楸，楸重賞了畢，就遣韓德爲先鋒。德有四子，皆精通武藝：子馬過人，長子韓瑛，次子韓瑤，三子韓瓊，四子韓琪。琪真乃雄偉之士。韓德帶四子并西羌兵八萬取路而來，前至鳳鳴山，正遇蜀兵兩陣對圓。韓德出馬，四子列於兩邊，德厲聲大罵曰：反國之賊，安敢犯吾境界耶？趙子龍大

怒挺鎗縱馬，單搦韓德交戰。長子韓瑛挺鎗躍馬來迎，戰不三合，被子龍一鎗刺死於馬下。次子韓瑤見之大怒，縱馬揮刀來戰子龍。子龍施逞舊日虎威，抖擻精神，相迎韓瑤。抵敵不住，三子韓瓊見之，忿怒急挺方天戟，驟馬前來夾攻子龍。全然不懼鎗法，不亂。四子韓琪見二兄戰子龍不下，也縱馬輪兩口日月刀而來，圍住子龍。子龍在中央獨戰三將。少時，韓琪中鎗落馬。魏陣中一將救去子龍。拖鎗便走。韓瓊按戟急取弓箭射之，連放三箭，皆被子龍用鎗撥了。瓊大怒，仍縛方天戟縱馬趕來，被子龍一箭射中面門，落馬而死。韓瑤急縱馬趕來，舉寶刀便砍子龍。

子龍拖放不迭，弓鎗皆棄，閃過寶刀，生擒韓瑤歸陣。復縱馬取鎗殺過陣來。韓德見四子皆喪於子龍之手，肝膽皆裂，先走入陣去。西涼兵素知子龍之名，又見英勇尚在，誰敢交鋒。子龍馬到處，喝聲開陣，兩下紛紛亂走，陣倒退。却被子龍匹馬單鎗往來衝突，如入無人之境。後人有詩贊曰：

憶昔常山趙子龍，年登七十建奇功。獨誅四將衝陣，猶似當陽救主雄。

鄧芝見子龍大勝，率蜀兵掩殺西涼兵，大敗而走。韓德險被子龍擒住，乃棄甲步行而逃。子龍鄧芝收軍回寨，芝賀

白某見將軍如此英雄不想壽已七旬精神尚在今日陣前獨勝四將世之罕有也子龍曰丞相以吾年邁不能取用吾故以此功表之遂差人解韓瑤申報捷書以達孔明却說韓德引敗軍回見夏侯惇哭告其事惇自統兵來迎趙雲忽探馬報入蜀寨說夏侯惇引兵到子龍乃上馬綽鎗引千餘軍就鳳鳴山前擺成陣勢當日夏侯惇戴金盔坐下雪白馬手提大砍刀立在門旗之下見子龍躍馬挺鎗往來馳騁惇欲自戰後面韓德言曰殺吾四子之讐如何不報縱馬輪開山大斧直取子龍子龍奮怒挺鎗來迎戰不三合子龍一鎗刺韓德死於馬下急撥馬直取夏侯

惇惇慌忙閃入本陣鄧芝驅兵掩殺魏兵又折一陣退十餘里下寨惇連夜與眾將商議曰吾久聞趙雲之名未嘗見面今日年老英雄尚在方信當陽長坂之事似此無人可敵如之奈何參軍程武乃程昱之子進言曰某料趙雲有勇無謀之輩不足慮也來日都督再引兵出先伏兩軍於左右都督臨陣先退誘趙雲到伏兵處都督却登山揮指四面軍馬重疊圍住足可擒矣惇從其言遂遣神武將董禧引三萬軍伏於左征西將軍薛則引三萬兵伏於右二人埋伏已定次日夏侯惇復整金鼓旗旛率兵而進子龍鄧芝出迎芝在馬上與子龍曰昨夜魏兵大敗而去今

日復來必有詐也老將軍防之子龍曰量此乳臭小兒何足道哉吾今日必當擒之見魏軍中旗幡之下夏侯惇與諸將搦戰子龍奮怒便躍馬而出魏將偏將軍潘遂出迎戰不三合遂撥馬便走子龍趕去魏陣中八員將一齊來迎放過夏侯惇先走八將却敗奔走子龍乘勢追殺芝引兵掩殺子龍深入重地四面喊聲大震芝急收軍退回左有董禧右有薛則兩路兵殺到因芝兵少不能解救將子龍困在垓心子龍東衝西突魏兵越厚此時子龍手下止有千餘人殺到山坡之下只見惇在山上指揮三軍子龍投東則望東指傍邊執法官把旗望東指軍馬就望東圍

因此攻打不透子龍引兵殺上山來忽半山中插木砲石打將下來不能上山山上弩箭如雨蜀兵傷折大半子龍從辰時殺至酉時不得脫走子龍正在垓心下馬少歇待月明衝突却纔卸甲蘇困月光方出忽四下火光冲天鼓聲大震矢石如雨魏兵殺到皆叫曰趙雲早降子龍急上馬迎敵四面軍馬漸漸逼近八方弩箭交射甚急人馬皆不能向前子龍仰天歎曰吾不服老死於此地矣忽東北角上喊聲大起魏兵紛紛亂竄一彪軍殺到為首大將素袍銀鎧持丈入點鋼矛提一顆人頭子龍視之乃虎翼將軍張苞也苞見了子龍言曰丞相恐老將軍有失特遣某

引五千兵接應聞知老將軍被困故殺透重圍正遇魏將
薛則攔路被某殺之子龍大喜即與張苞殺出西北角來
只見魏兵棄戈奔走。○是○聖○長○子○一彪軍從外吶喊殺入為首大將坐
下赤兔馬提偃月青龍刀手挽人頭子龍視之乃龍驤將
軍關興也興與子龍曰奉丞相之命恐老將軍有失特引
五千兵前來接應却纔陣上逢着魏將董禧被吾一刀斬
之梟首在此丞相隨後便到也子龍曰二將軍已建奇功
何不趁今日擒住夏侯楙以定大事也張苞聞言遂引兵
去了興曰我也幹功去矣關興亦引兵去了子龍回顧左
右曰他兩箇是吾子姪之輩尚且幹功去了吾乃國家上

將朝廷舊臣反不如此小兒也果、然、不、老吾當捨老命以報先帝之

恩此時子龍引兵來捉夏侯楙當夜三路兵到未知夏侯

楙性命如何且聽下回分解

諸葛亮智取三郡

却說趙雲與關興張苞三路兵大破魏軍一陣鄧芝引兵
接應殺得屍橫遍野血流成河夏侯楙乃無謀之人更兼
年幼不曾經戰見軍大亂遂引帳下驍將百餘人望南安
郡而走眾軍因見無主盡皆逃竄興苞二將聽知夏侯楙
望南安郡去了連夜趕來楙走入城中令緊閉城門驅兵
守禦興苞趕到一聲砲響將城圍了子龍隨後也到三面

三國志
攻打少時鄧芝亦引兵到一連圍了十日攻打不下忽然
丞相留後軍住於沔陽左軍屯於陽平右軍屯於石城丞
相自引中軍來到子龍鄧芝關興張苞皆來拜問孔明說
連日攻城不下孔明曰容吾自觀耳遂乘小車親到城邊
週回看了一遍回寨升帳而坐衆將環立聽令孔明曰此
郡壕深城峻不易攻也吾正事不在此城汝等如是久守
倘魏兵分道而出却取漢中於吾軍無益矣鄧芝曰夏侯
楙乃魏之駙馬若擒此人勝斬百將今困於此豈可棄之
而去耶孔明曰吾自有計矣但未知此處接連何郡左右
孔明曰西連天水郡北抵安定郡二郡俱屬陝西孔明曰二處太守

何人也答曰天水太守馬遵安定太守崔諒孔明大喜乃
喚魏延受計如此如此又喚關興張苞受計如此如此又
喚心腹二人受計如此行之各將領命引兵而去孔明却
在南安城外令軍運柴草推於城下口稱燒城魏兵聞知
皆大笑不懼却說安定太守崔諒在城中聞知蜀兵圍了
南安困住夏侯楙十分慌懼即點軍馬將有四千守住城
池忽見一人自正南而來口稱有機密事崔諒喚入問之
答曰某是夏侯都督帳下心腹將裴緒今奉都督將令特
來求救天水安定二郡即日南安其危甚急每日城上縱
火爲號專望二郡救兵並不見到復差某殺出重圍特來

三國志 卷之六
報急可星夜起兵爲外應都督若見二郡兵到却開城門
接應也諒曰有都督文書否緒貼肉取出汗已濕透畧教
一視急令手下換了疋馬更妙便出城望天水而去不二日又
有報馬到天水太守已起兵救援南安去了早早接應崔
諒與府官商議多官曰若不去救失了南安送了夏侯
馬皆我兩郡之罪也只得救之諒卽點本部人馬離城而
去只留文官守城且說崔諒提兵向南安大路而進遙望
見火光冲天催兵星夜進發離南安尚有五十餘里忽然
前後喊聲大震諒慌問左右不時哨馬報道前面關興截
住去路背後張苞殺來安定之兵四下逃竄諒大驚乃領

手下百餘人往小路死戰得脫奔回安定方到城壕邊城
上亂箭射將下來蜀將魏延在城上叫曰吾已取了城也
何不早降乃是魏延扮作安定軍夤夜賺開城門蜀兵盡
入因此得了安定崔諒慌投天水郡來行不到一程前面
一彪軍擺開大旗之下妙妙一人綸巾羽扇道袍鶴氅端坐於
車上諒視之乃是孔明急撥回馬走關興張苞兩路兵追
到只叫早降崔諒見得四面皆是蜀兵不得已而降之同
歸大寨孔明以上賓相待孔明曰南安太守與足下厚否
諒曰此人乃楊阜之族弟楊陵也與某隣郡交契甚厚孔
明日今欲望足下入城說楊陵擒夏侯惇可乎諒曰丞相

若令其去可暫退軍馬容其入城說之孔明從其言即時傳令教四面軍各退二十里下寨崔諒匹馬到城邊叫開城門入到府中與楊陵禮畢細言其事陵曰我等受魏主大恩安忍背之可將計就計而行遂引崔諒到夏侯楸處亦告其事楸曰當用何計楊陵曰只推某獻城門賺蜀兵入却就城中殺之崔諒依計行之來見孔明說楊陵獻城門放大軍入城以擒夏侯楸楊陵本欲自提因手下勇士不多未敢動也孔明曰此事至易今有足下原降兵百餘人於內暗藏蜀將可作安定軍馬帶入城去先伏夏侯楸府下却纔與楊陵說待半夜之時獻開城門裏應外合崔

說暗思若不帶蜀將去猶恐生疑且帶入去就裏先斬舉火為號獻開城門孔明必先入也那時一齊殺之因此應允孔明囑曰吾遣親信將關興○苞隨足下先去只推救軍殺入城中以安夏侯楸之心但舉火吾當親入城去以擒之時值黃昏關興張苞披掛上馬各執兵器雜在安定軍中隨崔諒來到南安城下楊陵在城上撐起懸空板倚定護心欄問曰何處軍也崔諒曰安定救軍來到諒先射一號箭上城箭上帶着密書曰今諸葛亮先遣二將伏於城中要裏應外合且不可驚動恐泄了計策待入府中圖之楊陵將書見了夏侯楸細言其事楸曰既然諸葛亮中

計必先入城安民可伏兵斬之今先賺得二將亦除兩害
遂教刀斧手百餘人伏於府中如二將隨崔太守到府下
馬閉其門而斬之却於城上舉火賺諸葛亮入城伏兵齊
出一鼓而休也此時安排了畢楊陵回到城上言曰既是
安定軍馬可放入城○白○然○如○此○但○魏○人○痴○不○省○此○耳關興跟崔諒先行張苞在後楊陵下
城在門邊迎接與手起刀落斬楊陵於馬下崔諒大驚急
撥馬走到吊橋邊張苞大喏曰賊子休走汝等詭計如何
賺得丞相耶丞相大軍便到先令吾二人來賺城門言罷
一鎗刺崔諒於馬下關興早放起火來四面蜀兵
齊入夏侯楙措手不及開南殺出一彪軍攔住

首大將乃是王平交馬只一合生擒夏侯楙於馬上餘皆
殺死孔明入南安招諭軍民秋毫無犯眾將各各獻功孔
明將夏侯楙囚於車中鄧芝問曰丞相何故知崔諒詐也
孔明曰吾已知此人無降心故使入城以試真偽必盡情
告與夏侯楙欲將計就計而行吾見來情足知詐也復使
二將同去以穩其心○如○見○此人若有真心必然阻當便忻然同
去者恐吾疑也他意中度二將同去賺入城內殺之何遲
又令吾軍有託放心而進也吾已暗囑二將就城門下圖
之城內必無準備吾軍隨後便到此出其不意也眾將拜
服孔明曰賺崔諒者吾使心腹人詐作魏將裴緒也吾又

去賺天水郡。至今未到。可乘時取之。若得二郡。其威大震。又曰。吾留吳懿守南安。劉琰守安定。替出魏延軍馬去取天水郡。却說天水郡太守馬遵。聽知夏侯楙困在南安城中。乃聚一郡文武官商議。時有功曹梁緒。主簿尹賞。主記梁虔等曰。夏侯驍馬。乃金枝玉葉。倘有疎虞。難逃坐視之罪。太守何不盡起本部兵以救之。馬遵正疑慮間。忽報夏侯驍馬差心腹將裴緒到。緒入府取公文付馬遵。遵視之說。都督求兩郡之兵。星夜救應。與安定所言皆同。遵令館舍暫歇。一面交行文書起各郡之兵同救應。次日又有報馬到。稱說安定兵已先去了。教太守火急前來會合。馬遵

正欲起兵。忽一人自外而入曰。太守中諸葛亮之計矣。衆視之。乃天水冀人也。姓姜名維。字伯約。父名冏。昔日曾爲天水郡功曹。因羌戎亂沒于王事。自幼博覽羣書。兵法武藝無所不通。奉母至孝。郡人敬之。後爲中郎將。就叅本部軍事。當日姜維乃與馬遵曰。近聞諸葛亮殺敗夏侯楙困于南安。水泄不通。安得有入。自重圍之中而出也。又聞裴緒乃無名下將。多不曾見。况安定報馬又無公文。以此察之。此人乃蜀將詐稱魏將也。賺得太守出城。料城中無備。必然暗伏一軍於左近。乘虛而取天水也。馬遵大悟曰。非伯約之言。則悞中奸計矣。似此如之奈何。維曰。何難之有。

三國志
遵曰若先捉此人斬之閉門堅守恐又是真有失大事維
笑曰太守放心某有一計足可擒諸葛亮亦可解南安之
危也馬遵問其計未知如何且聽下回分解

總評

趙○子○龍○不○肯○老○夏○侯○惲○又○肯○小○諸○葛○孔○明○不○肯○呆○夏○
侯○惲○肯○乖○真○正○是○箇○對○子○可○

第九十三回

孔明以智伏姜維

却說姜維獻計與馬遵曰此郡後必有伏兵某願請五千
兵伏於要路太守先遣來人回報隨後發兵出城不可遠
去止行二十里便回但看火起爲號前後夾攻伏兵可勝
也如諸葛亮自在此處必被某所擒矣遵用其計遂用來
人回報大水兵出城矣只留梁緒尹賞守城果是孔明遣
子龍引一軍埋伏於山僻之中只待人馬離城那時下手
細作回報言說天水太守馬遵起兵出城只留文官守城
子龍大喜又令人報與張翼高翔於要路截殺馬遵此二

處兵皆孔明埋伏之兵也。却說趙子龍引五千兵，徑投天水郡城下，分兵四路而進。子龍在壕邊高叫曰：「吾乃常山趙子龍也。汝知中計，早獻城池，免遭誅戮。」城上梁緒大笑曰：「汝中吾姜伯約之計，尚然不知耶？」子龍恰待攻城，忽然喊聲大震，四面火光冲天。當先一員少年將，挺鎗躍馬而言曰：「汝見天水姜伯約乎？」子龍視之，乃姜維也。子龍躍馬挺鎗，直取姜維，戰不數合，維精神倍長。子龍大驚曰：「誰想此處有這般人物，正戰鬪之間，兩路軍夾攻將來，乃是馬遵、梁虔、子龍首尾不能相顧，大敗虧輸。」子龍衝開路，引敗兵奔走。姜維趕來，張翼、高翔兩路軍殺出，接應子龍。姜維

因此方回。子龍歸到大寨，見孔明說中了姜維之計。孔明驚問曰：「何等之人識吾玄機也？」忽有南安人告曰：「姜維字伯約，乃天水冀人也。事母至孝，文武雙全，智勇足備，真當世之英傑也。子龍又誇獎姜維曰：「此人極好鎗法，與他人大不同也。」孔明曰：「吾今欲取天水，甚輕易之，不想有此人耶。」遂起大軍前來。却說姜維回見馬遵，遵曰：「事定之後，當重加保汝。」維曰：「趙雲敗去，孔明必自來也。」某料孔明必疑我軍在城中，今將本郡軍馬可分為四枝，某引一軍伏於城東，如彼兵到則截之。太守與梁虔尹賞各引一軍城外伏之。梁緒率百姓在城上守禦。於是姜維分撥已定，却說

孔明因慮姜維自爲前部，望天水郡進發。將到城邊，孔明傳令曰：「凡攻城池，以初到之日，激勵三軍，鼓譟直上。若候日久，急難破矣。」汝等諸將當激勵三軍，不可失此機會。於是大軍逕到城下，因見城上旗幟整齊，未敢輕攻。候至半夜，忽然四下火光冲天，喊聲震地。正不知何處兵來，只見城上亦鼓譟吶喊相應。蜀兵亂竄，孔明急上馬，有關興、張苞二將保護，殺出重圍，回頭看時，正東上馬軍一帶火光，勢若長蛇。孔明曰：「兵不在多，似此人之調遣，真將才也。」遂令關興探視，回報曰：「此姜維兵也。」孔明嗟歎不已，折了一陣，收兵歸寨，思之良久，乃顧左右曰：「量一姜維尚不能勝。」

只爲有人說他至孝，此念家解所信字，皆不放過如此。安能破魏耶？遂喚安定人問曰：「姜維之母見在何處？」答曰：

維母入居冀縣。孔明喚魏延分付曰：「汝可引一軍，虛張聲勢，詐取冀縣。若姜維早到，可放入城。又問此地何處緊要？」安定人曰：「大水、錢糧皆在上邽。若打破上邽，則糧道自絕矣。」孔明大喜，教趙子龍引一軍去攻上邽，孔明離城三十里，早有人報入天水郡，說蜀兵分爲三路，一軍守此郡，一軍取上邽，一軍守冀城。上邽、冀城俱屬陝西。姜維聞之，哀告馬遵曰：「愚母見在冀城，倘母有失，非人子之孝也。」維乞一軍就救此城，兼保老母。馬遵從之，遂令姜維引三千軍去冀城保母，梁虔引三千軍去保上邽。却說姜維引兵至冀城前面。

一彪軍擺開爲首蜀將乃是魏延二將交鋒數合延詐敗
 奔走維追過山隘來入城閉門率兵守護拜見老母並不
 出戰趙子龍亦放過梁虔入上邽城去了孔明乃令人去
 南安郡去取夏侯楙至帳下孔明曰汝懼死乎楙慌拜伏
 乞命孔明曰目今天水姜維見守冀城使人持書來說但
 得驍馬在我願來降吾今饒汝性命汝肯招安姜維否楙
 曰情願招安孔明乃與衣服鞍馬不令人跟隨獨自放之
 楙得脫出寨欲尋路而走奈不知地理正行之間逢數人
 奔走楙曰汝是何處之人也土民曰我等是冀縣百姓今
 被姜維獻了城池歸降蜀兵蜀將魏延縱火劫財我等因

此棄家奔走投上邽去也楙又問曰今守天水城是誰上
 人曰天水城中乃馬太守也楙聽之縱馬而行又見百姓
 携男抱女遠來所說皆同楙至天水城下叫門城上人認
 得是夏侯楙慌忙開門迎接馬遵驚拜而問之楙細言姜
 維之事又將百姓所言說了遵歎曰不想姜伯約反投于
 蜀矣梁緒曰彼意欲救都督故以此言虛降楙曰今維已
 降何爲虛也正躊躇之間時值初更蜀兵又來攻城火光
 中見姜維在城下挺鎗勒馬大叫曰請夏侯都督答話夏
 侯楙與馬遵等皆到城上見姜維耀武揚威大叫曰我爲
 都督而降都督何別前言耶楙曰汝受魏恩何故降蜀有

姜伯約那裡出得老諸葛手

何言別也維應曰汝寫書教我降蜀何出此言汝要脫身却將我陷了我今降蜀加為上將安有還魏之理言訖驅兵打城至曉方退夜間辨姜維者乃孔明之計因火光之中不辨真偽孔明却引兵來攻冀城城中糧少軍食不敷姜維在城上見西蜀之軍大車小輛搬運糧草入魏延寨中去了維引三千兵出城遙來劫糧蜀兵盡棄了糧車尋路而走姜維奪得糧車欲要入城忽然一彪軍關住為首蜀將張翼二將交鋒戰不數合王平引一軍又到兩下夾攻維力窮抵敵不住奪路歸城城上早插蜀兵旗號已被魏延寨上維殺條路奔天水城手下尚有十餘騎正遇張

苞殺了一陣維此時止剩得匹馬單鎗來到天水城下叫門城上軍見是姜維慌報馬遵遵曰此是姜維來賺我城門也令城上亂箭射下姜維回顧蜀兵至近遂飛奔上城城上梁虔見是姜維在城下虔大罵曰反國之賊安敢來賺我城池耶吾已知汝降蜀矣遂亂箭射之姜維不能分說仰天大歎兩眼淚流便撥馬望長安而走行不數里前至一派大樹茂林之處一聲喊起數千兵擁出為首蜀將關興截住去路維人困馬乏不能抵當勒回馬便走忽然一輛小車從山坡中轉出其人頭戴綸巾身披鶴氅手搖羽扇端出于上乃孔明也孔明喚姜維曰伯約此時

何為不降。維尋思良久。前有孔明。後有關興。又無去路。只得降之。遂下馬而降。孔明慌忙下車而迎。相叙甚愛。維不勝感激。孔明曰：「吾自出茅廬以來。遍求賢者。願盡傳授平生之學。恨未得其人。今遇伯約。吾願足矣。當盡授之。汝宜傾心而報國也。」維大喜。拜謝孔明。遂同姜維歸寨。升帳商議。取天水上邽之計。維曰：「天水城中。尹賞。梁緒與某至厚。當寫密書二封。射入城中。不問應與不應。自然亂矣。」孔明從之。姜維寫了二封密書。拴在箭上。縱馬直至城下。射入城中。小校拾得。呈與馬遵。遵大疑。與夏侯楙商議。曰：「梁緒、尹賞與姜維結連。欲為內應。都督宜早決之。可殺二人。」

賞知此消息。乃與梁緒曰：「不如納城降蜀。以圖進用。」是夜夏侯楙數次使人請梁尹二人說話。二人判知事急。遂披掛上馬。各執兵器。引本部軍來殺夏侯楙。馬遵一面令人大開城門降蜀。因此夏侯楙馬遵引數百人出西門棄城投羌胡城而去。梁緒尹賞迎接孔明入城。安民已畢。孔明問取上邽之計。梁緒曰：「此城乃某親弟梁虔守之。願招來降。孔明大喜。緒當日到上邽。喚梁虔出城來降。孔明孔明重加宴賞。就令梁緒為天水太守。尹賞為冀城令。梁虔為上邽令。孔明分撥已畢。整兵進發。諸將問曰：「丞相何不去擒夏侯楙也？」孔明曰：「吾放夏侯楙如放一鳴耳。今得伯約。」

得^噫一鳳也。自古云：千兵易得，一將難求。王謂此也。吾觀伯約行兵用計，與吾相同，故喜愛無限。今已得三城，可圖大事矣。於是孔明引大軍出祁山，來取長安。未知勝負如何，且聽下回分解。

孔明祁山破曹真

大蜀建興五年冬，諸葛丞相平定天水、南安、安定三郡，及冀城上邽等處，威聲大震，遠近州郡望風歸降。於是孔明整頓軍馬，調遣軍卒，盡提漢中之兵，前出祁山，兵臨渭水之西。漢中郡名，祁山、山名，細作報入洛陽。此時魏主曹叡太和元年，升殿設朝，近臣奏曰：夏侯駙馬已失三郡，逃竄

往羌胡去了。今蜀兵已到祁山，前軍臨渭水之西，早乞發兵破敵，免遭侵境之禍也。叡大驚，乃問羣臣曰：誰可為朕以退蜀兵耶？司徒王朗出班奏曰：臣觀先帝每用大將軍曹子丹所到必克，今陛下何不拜為大都督，以退蜀兵也？叡准奏，乃宣曹真曰：先帝託孤與卿，今蜀兵入寇中原，卿安忍坐視乎？真奏曰：臣才疎智淺，不稱其職。王朗曰：將軍乃社稷之臣，不可固辭也。老臣雖驢鈍，願隨將軍上邊，真又奏曰：臣受大恩，安敢少辭？乞一人為副將。叡曰：卿自舉之。真乃保太原陽曲人，姓郭名淮，字伯濟，官封射亭侯，領雍州刺史。叡從之，遂拜曹真為大都督，賜節鉞，命郭淮為

副都督王朗為軍師朗字子興東海鄉人也東海鄉俱邵名今屬直

錄自漢獻帝時舉孝廉入仕此時年七十六歲

東西二京軍馬二十萬與曹真真命宗弟曹遵為先鋒官

封宣武將軍又命盪寇將軍朱讚為副先鋒當年十一月

出師魏主曹叅親自送於西門之外方回曹真領大軍來

到長安過渭河之西下寨真與王朗郭淮共議退兵之策

朗曰來日可嚴整隊伍大展旌旗老夫自出只用一席話

敵交諸葛亮拱手而降之蜀兵不戰自退也真大喜是夜

傳令來日四更造飯平明務要隊伍整齊人馬威儀旌旗

鼓角各按次序當時使人先下戰書次日兩軍相迎列成

陣勢丁祁山之前蜀軍遠見魏兵甚是雄壯與夏侯楨兵

大不同三鼓角已罷司徒王朗乘馬而出上首乃都督

曹真下首乃副都督郭淮兩箇先鋒壓住陣角探子馬出

軍前大叫曰請對陣主將答話蜀兵門旗開處關興張苞

分左右而出立馬於兩邊次後一隊隊驍將分列門旗影

下中央一輛四輪車端坐一人綸巾羽扇素衣皂絲衆視

之乃是孔明孔明舉目見魏陣前三箇麾蓋乃問陣前護

衛曰此是何人也護衛曰旗上大書姓名中央白鬚老者

乃軍師司徒王朗也上首乃大都督曹真也下首乃副都

督郭淮也孔明曰王朗必下說詞也遂教推車於陣外令

護軍小校傳曰漢丞相與司徒會語王朗縱馬出曰吾有
 一言令公請聽孔明於車上拱手朗在馬上欠身答禮朗
 曰久聞公之大名今幸一會公既知天命識時務何故興
 無名之兵也孔明曰吾奉詔討賊何謂無名耶朗曰天數
 有變神器更易而歸於有德之人此定然之理也曩自桓
 靈以來天下爭橫人人稱霸黃巾縱橫於鉅鹿張邈問罪
 於陳留袁術僭號於壽春袁紹稱王於鄴土劉表占據荆
 州鉅鹿郡名屬北直隸陳留郡名屬河南壽春郡名屬湖北直隸呂布虎
 吞天下盜賊蜂起奸雄鷹揚社稷有壘卵之危靈有倒
 懸之急我太祖武皇帝掃清六合席捲八荒萬姓傾心四

方仰德非權勢而取之實乃天命之所歸也世祖文帝神
 文聖武以膺大統應天合人法堯禪舜而處中國以臨萬
 邦豈非天心人意乎今公蘊大才抱大器自欲比於管樂
 何不做效伊尹周公故強欲逆天理背人情而行事耶豈
 不聞古人云順天者昌逆天者亡今我大魏帶甲百萬良
 將千員量腐草之螢光怎及天心之皓月公可倒戈卸甲
 以禮來降不失封侯之位則國安民樂豈不美哉蜀兵聞
 言歎之不已皆以為有禮孔明默然不語蜀陣上參軍馬
 謾自思曰昔季布罵漢高祖曾破漢兵今王朗用此計也
 只見孔明在車上大笑曰吾以為漢朝大老元臣必有高

論豈期出此言也吾有一言諸軍靜聽昔日桓靈微弱漢
統凌替國亂歲凶四方擾攘段珪纔斬於平津董卓又生
於朝野天方勦戮四寇又興遷劫漢帝於閭閻之間殘暴
生民於溝壑之內因廟堂之上朽木為官殿陛之間禽獸
食祿狠心狗幸之輩滾滾當道奴顏婢膝之徒紛紛秉政
以致社稷丘墟生靈塗炭吾素知汝所行世居東海之濱
初舉孝廉入仕理合匡君輔國安漢興劉何期反助逆賊
同情篡位罪惡深重天地不容傾國之人歃食其肉今日
幸吾尚在乃天意不絕炎漢也吾奉詔討賊仗義興師汝
既為諂諛之臣只可潛身縮首苟圖衣食安敢在於行伍

之前妄稱天數耶皓首匹夫蒼髯老賊當應尺歸於九泉
之下何面目見二十四帝乎老賊速退可教反臣與吾共
決勝負王朗何這樣不禁罵的王朗聽罷大叫一聲氣死於馬下後人有詩贊孔
明日

兵馬出西秦雄才敵萬人輕搖三寸舌罵死老賊臣
孔明以扇指曹真曰吾不逼汝汝可整頓軍馬來日決戰
言訖回車於是兩軍皆退曹真將王朗屍首用棺木盛貯
送回長安去了亦通副都督郭淮曰諸葛亮料吾軍中治喪令
夜必來劫寨可分兵四路兩路兵從山僻小路乘虛去劫
蜀寨兩路兵伏於本寨外左右擊之曹真大喜曰此計與

吾相合遂傳令喚曹遵朱讚兩箇先鋒分付曰汝二人各引一萬軍抄出祁山之後但見蜀兵望吾寨而來汝便進兵去劫蜀寨如蜀兵不動便撤兵回不可輕進二人受計引兵而去真與淮曰我兩箇各引一仗大軍伏於寨外寨中虛堆柴草只留數人如蜀兵到放火爲號諸將皆分左右各自準備去了却說孔明歸帳先喚趙子龍魏延聽令孔明曰汝二人各引本部兵去劫魏寨魏延進曰曹真深更通明兵法必料我乘喪劫寨他豈不隄防也孔明笑曰吾正欲曹真知吾去劫寨也彼必有伏兵在祁山之後待蜀兵過去却來襲我寨矣吾故令汝二人引兵前去過山脚後路遠下營寨任魏兵來劫吾寨汝看火起爲號却分兵於兩下魏延拒住山口子龍引兵殺回必遇魏兵也容魏將走回汝乘勢攻之彼必自相掩殺可全勝也二將引兵受計而去又喚關興張苞分付曰汝二人各引一軍伏於祁山要路放過魏兵却從魏兵來路殺奔魏寨而去二人引兵受計去了又令馬岱王平張翼張嶷四將伏於寨外四面以擊魏兵孔明乃虛立寨柵柵中堆起柴草以備火號孔明乃引諸將退於寨後以觀動靜魏先鋒曹遵朱讚黃昏離寨迤邐前進二更左側遙望山前隱隱有軍行動曹遵自思曰郭淮都督神機妙算料知蜀兵矣遂催兵急進

到蜀寨之時將及三更望見寨柵曹遵先殺入寨只見空
寨○無○一○人○料○知○中○計○便○徹○軍○回○寨○中○火○起○朱○讚○兵○到○自
相○掩○殺○人○馬○大○亂○正○殺○之○間○曹○遵○與○朱○讚○交○馬○方○知○自○相
踐踏急合兵時忽喊聲大震四面王平馬岱張翼張嶷殺
到曹朱二人引心腹軍百餘騎趁大路奔走忽然鼓角齊
鳴○一○彪○軍○截○住○去○路○為○首○蜀○將○乃○常○山○趙○子○龍○也○子○龍○叫
曰賊將那里去早早受死曹朱二人奪路而走忽然喊聲
又起一彪軍殺到為首蜀將乃是魏延曹朱大敗殺奔魏
寨○之○時○看○寨○軍○只○道○蜀○兵○劫○寨○慌○忙○放○起○號○火○左○邊○曹○真
殺○至○右○邊○郭○淮○殺○至○自○相○掩○殺○背○後○二○路○蜀○兵○殺○到○中○央

魏延左邊關興右邊張苞大殺一陣魏兵敗走十餘里魏
將死者極多孔明全獲大功方始收兵回寨却說曹真與
郭淮商議曰今魏兵勢孤蜀兵勢大將何策以退之淮曰
勝負乃兵家之常事不足為弱也某有一計使蜀兵首尾
不能相顧定然自走矣曹真問其計未知如何下回便見

總評

一 姜伯約也子龍愛其才藝孔明愛其謀畧惟恐失
之必期得之而後已真正是惟英雄識英雄惟豪傑
愛豪傑也人患自己不為姜伯約耳不患無了龍孔
明也

第九十四回

孔明大破鐵車兵

於是郭淮與曹真曰西羌遠夷自太祖武皇帝時連年入貢世祖文皇帝朝甚以恩惠之我等且宜據住險阻蜀兵求戰不出可密遣人從小路直入羌胡求救許以和親羌胡必起兵襲其後吾却以正兵擊之豈不勝哉真從之即遣人赴羌胡去了却說西羌國王徹里吉自曹操時年年入貢手下有一文一武文乃雅丹丞相足智多謀武乃越吉元帥青眼黃鬚身長一文使一柄長鐵鏈重一百斤有萬夫不當之勇此時魏使賫金珠并書到國先來見雅丹

丞相送了禮物。雅丹引見國王曰：中原魏國差人齋書禮來求救兵，着與蜀兵交戰。徹里吉曰：書上怎生說？雅丹曰：中國許以和親，要退兵寇。理合依准。國王便與元帥商議。雅丹丞相遂請越吉元帥說知此事。越吉允之，卽起羌胡兵二十五萬，皆慣使弓弩鎗刀、鐵蒺藜、流星鎚等器。又有戰車，其車用鐵葉裹釘裝載糧食軍器什物，或用駱駝駕車，或用騾馬駕車。一歇行數千里不乏力。因此號爲鐵車兵。遂辭國王，二人領兵直扣西平關，守關蜀將韓禎急差人齋文報知孔明。孔明聽知，乃問衆將曰：誰敢去退羌胡之兵也？忽然兩箇素鏡將應曰：某等願往。衆視之，乃左護衛使龍驤將軍關興、右護衛使虎翼將軍張苞也。孔明日：汝二人要去，奈途路不熟，遂喚馬岱曰：汝素知羌胡之性，久居彼處，可作鄉導，便起精兵五萬與興苞二人同去。如此行之，典苞等引兵而來，行有數日，早遇番兵。關興先引百餘騎登山坡看時，只見番兵把鐵車首尾相連，隨處結寨。車上遍排兵器，就如城池一般。興觀之良久，無破敵之策。回寨與張苞馬岱商議。岱曰：未知番兵虛實，來日見陣便可知也。次早分兵三路，關興在中，張苞在左，馬岱在右。三路兵齊進，忽見皂鵬旗漫山蔽野，當先盡是軍馬。馬軍叢中，越吉元帥手挽鐵鎚，腰懸寶鵬弓，騎如龍馬，奮勇而來。

興招三路兵逕進忽見番兵在兩邊中央放出鐵車如潮水之急弓弩一齊驟發蜀兵大敗馬岱張苞兩軍先退關興一軍被番兵一裏直圍入西北角上去了興在垓心左衝右突不能得脫鐵車密圍就如城池蜀兵你我不能相顧興望山谷中尋路而走看看天晚但見一簇皂旗蜂擁而來一員番將手提鐵鏈大叫曰小將休走吾乃越吉元帥也關興急走到前面儘力縱馬加鞭正遇斷澗只得回馬來戰越吉興終是膽寒抵敵不住望澗中而逃馬跳得步被越吉趕到鐵鏈打來興急閃過正中馬膝那馬望澗中便倒興落於水中忽聽得一聲響處背後越吉連

人帶馬平白地倒將下來興就水中掙起看時只見嶺上

一員大將殺退番兵興提刀待砍越吉躍水而走關興得

了這馬牽到嶺上整頓鞍轡綽刀上馬只見那員將尚在

前面追殺番兵興自思良久救我性命乃是何人當與見之遂拍馬趕來看看至近只見雲霧之中隱隱有一大將

面如重棗眉若臥蠶綠袍金鎧提青龍刀騎赤兔馬手綽

美髯分明認得是父親關公興大驚卻欲問之忽見關公

以手望東南指之曰吾兒美長何當死乎可往東南速去吾當護汝歸寨

言訖化陣風而不見關興望南急走至半夜忽見一彪軍

乃張苞也問關興曰你曾見你父親否興曰汝何知之苞

三國志 卷之六
○我○被○鐵○車○軍○追○急○忽○見○汝○父○自○空○而○下○驚○退○番○兵○指○曰
汝○從○這○條○路○去○救○吾○兄○因○此○引○軍○逕○來○尋○你○關○興○亦○說○前
事○二○人○同○歸○寨○內○馬○岱○接○着○對○二○人○說○此○軍○無○計○可○退○我
守○住○寨○柵○你○二○人○去○取○丞○相○用○計○破○之○興○苞○星○夜○來○見○孔
明○備○說○此○事○孔○明○帶○了○姜○維○張○翼○又○撥○三○萬○軍○同○關○興○張
苞○到○馬○岱○寨○中○歇○定○次○日○上○高○阜○處○視○之○見○鐵○車○聯○絡○不
絕○人○馬○縱○橫○往○來○馳○驟○孔○明○曰○量○此○何○難○破○之○喚○馬○岱○張
翼○如○此○如○此○二○人○去○了○又○喚○姜○維○曰○汝○知○破○車○之○法○否○維
曰○羌○胡○人○惟○務○使○一○勇○之○力○耳○豈○知○子○牙○之○術○乎○孔○明○笑
曰○汝○深○知○吾○心○也○吾○令○關○興○張○苞○作○伏○兵○况○今○彤○雲○霧○蔽

朔風緊急吾計可施矣汝看紅旗爲號可以避之於是姜
維連日領兵出戰鐵車兵來退後便走直趕到寨前寨口
虛立旌旗並無軍馬番兵疑而不進是時十二月終果然
天降大雪姜維又引軍出越吉引鐵車兵來姜維退走趕
到寨前姜維從寨後而去番兵數千騎直到寨外觀看聽
得寨內鼓瑟之聲四壁皆空豎旌旗番兵回報越吉越吉
心疑未敢輕進雅丹丞相曰此諸葛亮詭計虛設疑兵可
以攻之越吉兵引至寨前但見孔明携琴上車引數騎入
寨望後而去番兵搶入寨柵直趕過山口但見小車隱隱
轉林去了雅丹丞相與越吉元帥曰這等之兵雖有埋伏

不足懼之遂起大兵追趕又見姜維兵俱在雪地之中越吉大怒催兵飛奔追趕更兼山路平坦又被雪漫曠野一望並無車馬正趕之間忽報蜀兵自山後而出雅丹曰縱有此小伏兵何足懼之忽聽得前面鼓角齊鳴喊聲大震番兵逕往前奔忽然山崩地陷番兵俱落於坑中背後鐵車正行得緊湍急難收救擁併而來自相踐踏後面番兵急要回時左邊關興右邊張苞兩軍萬弩齊發背後姜維馬岱張翼三路兵殺到鐵車兵大亂越吉元帥望後面山谷中而逃正逢關興交馬只一合被興舉刀大喝一聲砍死越吉雅丹丞相早被馬岱活捉解到大寨來番兵

逃去孔明升帳馬岱押過雅丹來孔明叱武士去其縛賜酒食壓驚用好言撫慰孔明喚雅丹丞相曰吾主乃大漢

皇帝命吾討賊爾如何聽反臣之言而作亂也吾國與爾

乃鄰邦永結盟好勿聽反言爾若從之將舊日通和之意傷害矣雅丹深感其德孔明遂將所獲番兵盡皆賞勞同雅丹俱放入國眾皆拜謝而去孔明將越吉元帥首級用小匣盛之設宴會賞已畢引三軍連夜投祁山大寨而來一面差人齎表奏報捷音却說曹真連日望羌胡消息忽有伏路軍來報說蜀兵拔寨收拾起程郭淮大喜乃與曹真曰此是羌胡兵攻擊至急因此退去也遂分兩路追趕

前面蜀兵亂走魏兵隨後追襲先鋒曹遵正趕之間忽然
 鼓聲大震一彪軍閃出為首大將乃前督部鎮北將軍領
 丞相司馬涼州刺史都亭侯魏延大叫曰反賊休走曹遵
 大驚拍馬交鋒不三合被魏延一刀斬於馬下副先鋒朱
 讚引兵追趕忽然喊聲大震一彪軍閃出為首大將乃中
 護軍征南將軍封永昌亭侯常山趙雲也朱讚措手不及
 被子龍一鎗刺死於馬下曹真郭淮見兩路先鋒有失欲
 收兵回背後喊聲大震二彪軍旗號鼓角齊鳴關興張苞
 兩路兵殺出圍了曹真郭淮痛殺一陣曹真二人引敗兵
 衝路走脫蜀兵全勝真追到渭水奪了魏寨曹真折了兩

箇先鋒哀傷不已只得寫本申朝乞撥援兵却說魏主曹
 叡設朝近臣奏曰大都督曹真數敗於蜀折了兩箇先鋒
 差胡兵又折了無數其危甚急今都督上表求救請陛下
 裁處叡大驚乃問文武曰退軍之策如何施也華歆奏曰
 須是陛下御駕親征大會諸侯人皆用命方可退也陛下
 若不親征則長安有失關中危矣太傅鍾繇奏曰凡為將
 者知過於人則能制人孫子云知彼知己百戰百勝臣量
 曹子丹雖久用兵非諸葛亮之對手也臣以全家良賤保
 舉一人足可退諸葛之師未知聖意准否叡曰卿乃大老
 元臣有何賢士可退蜀兵早召來可與朕分憂未知鍾繇

保舉何人且聽下回分解

司馬懿智擒孟達

於是太傅鍾繇奏曰向者諸葛亮欲興師犯境但懼其人故散流言令陛下去其柱石之臣果然陛下中計方長驅大進也今若復用其人則諸葛自然退矣魏主曹叡問之繇曰此人乃驍騎大將軍司馬懿也叡長歎曰朕到今心中猶悔非卿所言無以發明也仲達見在何地繇曰近聞仲達在宛城宛城郡名屬河南閑住叡卽降詔遣使持節仍復司馬懿官職加爲平西都督就起南陽諸路軍馬前赴長安叡御駕親征克日到彼聚會使命望宛城星夜去了却說

孔明自出師以來累獲全勝心中甚喜正在祁山寨中會衆議事忽報鎮守永安宮李嚴令子李豐來見孔明只道東吳犯境心甚驚疑喚入帳中問之豐曰特來報喜孔明曰有何喜也豐曰昔日孟達降魏乃不得已而降之彼時曹丕甚愛每稱將相之才時以駿馬玩器金珠而賜之曾同輦出入羣臣無不驚訝封爲散騎常侍領新城太守鎮守上庸金城等處新城郡名金城郡名上庸地名俱屬陝西委以西南之任如此重任自丕死後曹叡卽位甚不相好絕其所賜朝中多人嫉如孟達日夜不安常與諸將曰我本是蜀將勢逼於此今累差心腹人持書來見家父教早晚代稟丞相前者

五路下川之時曾有此意丞相亦知今在新城聽知丞相

伐魏欲起金城新城上庸三處軍馬就彼舉事逕取洛陽

丞相取長安洛陽長安二縣名俱屬西安兩京可定矣今某引來人并

累次書信呈上孔明大喜厚賞李豐等忽細作人報說魏

主曹叡神人一面駕幸長安一面詔司馬懿復職加為平西都

督起本處之兵於長安聚會孔明聽畢頓首跌足不知所

措參軍馬謖問曰量曹叡何足為道若得來長安就而擒

之丞相何故驚也孔明曰吾豈懼曹叡耶平生所患者惟

司馬懿一人而已是大智人今孟達欲舉大事若司馬懿得此大權

事必敗矣達非司馬懿之對手必被所擒孟達若死中原

不易得也馬謖曰何不急修書令孟達隄防孔明從之即

修書令來人星夜回報孟達却說孟達在新城專望心腹

人回報不時心腹人到來將孔明回書呈上孟達拆封視

之書曰

近得書足知公忠義之心不忘故舊吾甚為喜慰公若

成此大事則漢朝中興第一之功也然極宜謹密不可

容易託人雖兄弟妻子亦難保也慎之戒之近聞魏叡

復詔司馬懿起宛洛之兵宛洛二縣名俱屬河南若聞公舉事必

先至矣須萬全隄備勿視為等閑人吾猶懼之公請詳

察

此兒誤事

孟達覽畢大笑曰人言孔明心多今觀此事足可知矣心腹人告曰主公可修回書以安丞相之心不可如常慢也達從之又具回書令心腹人星夜來答孔明孔明喚入帳中其人呈上回書孔明拆封視之書曰

適承鈞教安敢少怠切謂司馬懿之事達以為必不懼

也宛城離洛城約八百里至新城一千二百里若司馬

莽人如何幹事

懿聞達舉事須表奏魏主往復則一月間之事也達城

池已固諸將亦與三軍皆在深險之地司馬懿便來達

何懼哉丞相寬懷惟聽捷報

孔明看畢擲之於地而頓足曰孟達必死於司馬懿之手

矣馬謖問曰丞相何謂也孔明曰兵法云攻其不備出其

老手

不意豈容孟達料在老手一月之期也既曹叡已委司馬懿逢

寇即除何待奏聞乎若知孟達及不須十日兵必到矣安

能措手耶眾將皆服孔明急令來人回報曰若未舉事切

莫教同事者知之知則必喪命矣其人拜辭歸新城去了

却說司馬懿在宛城閑住聞知魏兵累敗於蜀乃仰天長

歎數聲懿有長子司馬師字子元次子司馬昭字子尚此

二人素有大志飽看兵書侍立於側見懿長歎息乃問曰

父親何為長歎也懿曰汝輩豈知大事耶司馬師曰莫非

歎魏王不用乎司馬昭笑曰早晚必來可兒宜父親也懿大驚

三國志 卷之
曰不意吾家又出麒麟兒矣言未盡忽然天使持節至懿
聽詔畢遂調宛城諸路軍馬忽告有一人來報機密事懿
喚入密室問之其人告曰其乃金城太守申儀家人也近
有新城太守孟達請上庸太守申耽并其主公商議達曰
吾乃大蜀人也此中有天非人力也昨因時勢所逼不得已而降之魏文帝時
相待甚厚當今魏主以吾等為外邦人物視之如草芥待
之如糞土今諸葛丞相奉命出師兵至祁山先敗夏侯楹
又敗曹真殺得魏兵亡魂喪膽今天水南安安定三郡俱
已歸順勢如破竹長安在旦夕休矣吾等合從天道就此
舉事遷襲洛陽其功莫大汝等從否申耽申儀皆懼其勢

得勉強應允各自脩補城池聚集軍馬早晚必反申家
兄弟誠恐連累先令其來首孟達心腹人李輔并達外甥
鄧賢隨狀出首望都督早提兵來自內變也司馬懿聽
畢以手加額曰此乃皇上齊天之洪福也今諸葛亮兵在
祁山殺得內外人皆膽落今天子不得已而幸長安若且
夕不用吾時孟達一舉兩京休矣兩京東京今之開封此
府西京今之河南府賊必通謀知見諸葛亮也吾先破之諸葛亮定然心寒自退兵
矣長子司馬師曰父親可急寫表申奏天子懿歎曰若等
聖旨往復一月之期事已成矣若把住險要吾雖有百萬
之眾急難破也即傳令教人馬起程一日要行二日之路

如有怠慢者斬之懿又令參軍梁畿齎詔星夜去新城教
 孟達等準備征進使彼不疑梁畿先行懿隨後發兵行了
 二日山坡下轉出一軍乃是右將軍徐晃晃下馬見懿說
 天子駕到長安以退蜀兵今都督何往懿低言曰今子孟達
 近反吾去擒耳晃曰某願為先鋒懿大喜合兵一處前部
 徐晃後軍二子懿在中軍又行了二日前軍哨馬捉住孟
 達心腹人搜出孔明回書來見司馬懿懿曰吾不殺汝汝
 從頭細說其人只得將孔明孟達往復之事一一告說了
 畢懿看畢孔明回書自驚曰世間能者所見皆同吾機先
 破孔明識破矣幸得天子有福獲此消息則孟達無計也

遂感歎不已星夜倍道催趙軍行却說孟達在新城約下
 金城太守申儀上庸太守申耽克日舉事耽儀二人每日
 訓練軍馬只待魏兵到以為內應却報孟達說軍器糧草
 俱未完備不敢約期起事達信之忽報參軍梁畿來到孟
 達迎入城中畿傳司馬懿將令曰司馬都督今奉天子詔
 令起諸路軍以退蜀兵太守可集本部軍馬聽候調遣達
 問曰都督何日起程畿曰以此時約之離宛城望長安去
 了孟達下愚達暗喜曰吾大事成矣遂設宴待了梁畿送出城外即
 報申耽申儀知道明日舉事換上大蜀旗號發諸路軍馬
 徑襲洛陽忽報城外塵土冲天不知何處兵來孟達登城

視之只見一彪軍打着右將軍徐晃旗號飛奔城下達大驚急扯起吊橋徐晃坐下馬收拾不住直來到壕邊高叫曰反賊孟達早早受降達大怒急開弓射之正中徐晃頭額魏將救去城上亂箭射下魏兵方退孟達恰待開門追趕四面征旗蔽日司馬懿兵到達仰天長歎曰果不出孔明之所料也於是閉門堅守却說徐晃被孟達射中頭額眾軍救到寨中取了箭頭令醫調治當晚而死時年五十九歲魏太和二年春正月也後史官有詩贊曰

降魏權成厚爭津定策高揚聲攻不備陷敵戰當塵欲虜平襄漢還屯振節旄功踰孫子右魏武過情褒

司馬懿令人扶柩還洛陽遷葬次日孟達登城視之只見魏兵四面圍得鐵桶相似達行坐不安驚疑未定忽見兩路兵自外殺來旗上大書申耽申儀孟達見是救軍到忙引本部兵大開城門殺出耽儀大叫曰反賊休走早早受降兩路攻來達見事變撥馬望城中便走城上亂箭射下乃是李輔鄧賢獻了城池二人乃曰吾等已獻了城也達取路而走申耽趕來達人困馬乏措手不及被申耽一鎗刺於馬下眾軍梟其首級餘軍皆降李輔鄧賢大開城門迎接司馬懿入城撫民勞軍已畢遂遣人奏知魏主曹叡叡大喜曰教將孟達首級去洛陽城市碎剝示眾加申

耽申儀官職就隨司馬懿征進命李輔鄧賢守新城上庸
 却說司馬懿引兵到長安城外下寨懿入城來見魏主獻
 大喜曰朕老、面、皮、一時不明誤中反間之計也卿閑居許久朕悔
 之無及今違造反非卿等制之兩京休矣懿奏曰臣聞申
 儀密告反情意欲表奏陛下恐往復遲滯故不待聖旨星
 夜而去八日已到新城蓋達措手不及被臣斬之若待奏
 聞則中諸葛亮之計也何、就、把、天、下、送、他、可、憐、可、憐、言罷將孔明回孟達密書奉上獻
 看畢大喜曰卿之學識過於孫吳矣賜金鉞斧一對後遇
 機密重事不必奏聞便宜行事就令司馬懿出關破蜀懿
 奏曰臣舉一大將可為先鋒獻曰卿舉何人懿曰此將乃

河間鄭人姓張名郃字雋義見為右將軍獻笑曰朕正
 欲用之遂命張郃為前部先鋒即日起行司馬懿引兵離
 長安來破蜀兵勝負如何且聽下回分解

總評

雲長先生之靈能救其子鐵車之厄不能為後主平
 吳削魏乃知天命有定即忠義神聖如雲長亦不可
 為也如此則丞相興兵不為多事乎何與隆中之言
 相刺謬也其中必自有說讀者亦知之否乎

